

rechtlichen ausztrag zuerfassen, pin ich auff hewt durch meister Peter cancel-schreiber vnderichtet, das solichs durch euch an die gnanten meine gnedige hern von Sachsen etc. gelangt habe vnd das iren gnaden solichs gefalle, doch das die bemisch verkundigung ganz abegetan werde, wie danne solichs in mer worten gelautet hat. Als habe ich vonstund den vicarium vnd die sogetan sache beruret versament, ine das furnemen in dem pesten furgehalten vnd die lassen ine dasselbe furnemen wie forsteet wolgefallen vnd wollen dem also tuen, die bemisch verkundigung ganz abetuen, doch also das er Dieterich den armen leuten ire gepfandete habe widerkere, alsdann nicht vnpillich ist, vnd das meyne gnedige hern von Sachsen des so es erst gesein kan, einen tag daher bestimmen, den meins hern gnaden von Meissen in wissen tuen, auff das er destwilliger sey zu dem tage zukomen. Auff das alles warte ich euern beschriben antwort, das man sich mit namen in dem abstellen der verkundigung wisse darnach zu richten. Geschriben ylent an sent Agathen tage zu Meissen anno etc. LXXI.

Euwer williger diener Heinrich Leubing techant etc.

Dem gestren vnd eren vesten Hugolt von Sleynicz obirmarschalck meinem besundern gunstigen furderer.

Orig. im K. Haupt-Staatsarchiv zu Dresden.

### No. 1150. 1471. 19. Febr.

Anno domini etc. LXXprimo am dinstag nach Juliane haben myne hern Casparn von Malticz<sup>a)</sup> zu Windischen Bore gegunst funff schog groschen jerlicher zcinse in den dorffern zeu Bodemack<sup>b)</sup> vnd Maliczsch<sup>1)</sup> in der pflege zu Missen gelegen dem probste vnd ganzem capittel der kirch zu Missen fur hundert schog groschen vff einen widerkouff zcu verkouffen in einem jare nest nach datum disses briues wider zulosen. Gesche des nicht so mogen myne hern nach ausgang des jars die selbs losen ader einem andern zculosen gunnen. Datum ut supra.

a) Miltitz Cop. b) Bodemag Cop. 1) Bodemack, jetzt Wüstung; Mahlitzsch, Par. Krögis.

Witt. Archiv. Stift Meissen. Orte: Bodemack fol. 24 und Copiale 59 fol. 536 im K. Haupt-Staatsarchiv zu Dresden.

### No. 1151. 1471. 18. Apr.

Anno domini 2c. septuagesimo primo habenn meyne gnedige herrn vorgunst, das der roth zeu Oschatz dem thumprobist techande vnnnd gantzen cappitel der kirchenn zcu Missenn acht gute schog vnnnd sechs groschen der bestenn muntze vor hundert vnd sechs vnnnd virtig schog der selbenn bestenn muntz auff widerkauff habenn mogenn vorkouffenn. Actum feria quinta post Pascae anno 2c. ut s.

Copiale 59 fol. 534 im K. Haupt-Staatsarchiv zu Dresden.